

## Mensahe 12

### Dios nga Nagtago sa Iyang Kaugalingon—ang Natago nga Dios

Basahong Kasulatan: Isa. 45:15; Efe. 3:16-17; Fil. 2:13; Luc. 18:1-8

#### I. “Sa pagkamatuod Dios Ka nga nagtago sa Imong Kaugalingon, / O Dios sa Israel, ang Manluluwas”—Isa. 45:15:

- A. Halos walay usa sa mga anak sa Dios nga nasayod nga gihisgotan sa Biblia ang Dios isip Dios nga nagtago sa Iyang Kaugalingon—v. 15:
  - 1. Nagpamatuod kini nga ang mga anak sa Dios walay igong pagkaila sa Dios isip Dios nga nagtago sa Iyang Kaugalingon.
  - 2. Nakaila tingali ta sa Dios isip Dios nga makagagahom, Dios nga matarong, ug Dios nga puno sa grasya ug mahigugmaong-kalulot; apan wala tingali ta makaila sa Dios isip Dios nga nagtago sa Iyang Kaugalingon—Luc. 1:49; 1 Ped. 5:6; Bug. 15:3; Efe. 2:7; Sal. 17:7.
- B. Bisan naa sa tanang dapit, makagagahom-sa-tanan, ug mapasayloon kaayo ang atong Dios, Dios nga nagtago sab Siya, ingon sa gipakita sa basahon sa Ester—4:14.
- C. Gilalang sa Dios ang uniberso, unya nitago Siya niini, hangtod wala na ta mahibalo kon asa nato Siya mapalغان—Job. 23:3.
- D. Nagbuhat ang Dios og dili maihap nga mga butang taliwala sa mga anak sa Israel ug dili maihap nga mga butang sa personal nilang kinabuhi, apan gitago Niya ang Iyang Kaugalingon; walay undang Siyang nagbuhat, apan kanunay Siyang natago—Isa. 45:15.
- E. Makaamgo gyod unta ta nga ang makagagahom-sa-tanan nga Dios nga gialagaran nato nagtago pa gihapon, ilabi na sa panahon nga nitabang Siya nato—Juan 14:26; Rom. 8:28:
  - 1. Dili nato Siya makita, ug morag wala Siyay gibuhad.
  - 2. Sa pagkatinuod, tago diay Siyang nagbuhat og daghang butang alang nato, sa gilig-on ta Niya sa gahom pinaagi sa Iyang Espiritu nganha sa tawo sa sulod aron makabalay si Cristo sa atong kasing-kasing—vv. 28, 34; Est. 4:14; Fil. 2:13; Efe. 3:16-17a.
- F. Hilom apan gamhanang nagbuhat sa sulod nato ang Dios nga nagtago sa Iyang Kaugalingon—Fil. 2:13:
  - 1. Ang atong kaakohan mao ang pagbulig Kaniya sa pagsanong sa pagbati sa sulod sa kahiladman nato—Rom. 8:6.
  - 2. Mabati ngani nato nga nabuhi ug nagbuhat ang Dios sa sulod nato, mo-Amen gyod ta, kay didto, sa kahiladman sa atong pagkatawo, nagbuhat man sa tago ug sa walay hunong ang Dios nga nagtago sa Iyang Kaugalingon.
- G. Kon ayohon nato pagtuon ang Kasulatan, makita nato nga dunay batasan ang Dios nga dili gustog pagpasundayag; gusto hinuon Siya nga sekretong mobuhat imbis nga dayag—Mat. 6:1-8.
- H. Sukwahi gyod ang disposisyon nato sa disposisyon sa Dios, nga disposisyong gustong magtago sa iyang kaugalingon—Isa. 45:15:

Mensahe 12 (sumpay)

1. Ganahan ang Dios nga matago; ganahan tang mapasundayag—Mat. 6:1.
2. Wala mangandoy ang Dios og mga pagpadayag; dili ta makontento kon wala kini—v. 2.
3. Dako kaayong pagsulay nato kining diosnong disposisyon.

**II. Naghatag ang basahon sa Ester og tin-awng hulagway giunsa sa nagtagong Dios sa Israel pag-atiman sa tago ang gidaugdaog nga mga pinili Niya sa pagkatibulaag nila ug pagluwas sa dayag sa gilutos nga mga pinili Niya sa pagkabihag nila—1:1-22; 2:1-23:**

- A. Ang mahinungdanong punto ning basahona mao nga ang Dios mismo nga nagpili sa Israel, nga mga kaliwat ni Abraham, isip mga pinili Niya, human Niya sila itugyan nga mabihag sa Gentil nga mga nasod, nahimong nagtago nga Dios alang nila aron tago nga mangatiman nila ug dayag nga moluwas nila samtang nagbuhat Siya sa tago—Isa. 45:15.
  1. Kini ang hinungdan nga wala hisgoti sa basahon sa Ester ang ngalan sa Dios bisan sa mga dapit nga angay unta kining hisgotan—4:3, 16.
  2. Sa usa ka bahin, gigamit sa Dios ang Gentil nga mga nasod isip kahimanan sa pagdisiplina Niya sa Iyang katawhan; sa laing bahin, nag-uban ang nagtago nga Dios sa katawhan sa Israel, nangatiman nila.
- B. Sekretong nagbuhat og daghang butang alang sa Israel ang nagtago nga Dios:
  1. Giestablisar sa nagtago nga Dios ang kinalabwang hari sa Gentil nga kalibotan aron magbuot sa dako kaayong empiryo sugod sa India taman sa Etiopia—1:1-2.
  2. Gipahinabo sa nagtago nga Dios nga papahawaon sa kinalabwang hari ang iyang rayna tungod sa pagsupak niini sa iyang pulong—vv. 3-22.
  3. Sa tagong pag-atiman Niya, gipabangon sa nagtago nga Dios si Ester, nga dalagang ulay nga Judio nga ilo, aron purongpurongan sa kinalabwang hari isip rayna niya—2:1-18.
- C. Sa mga tuig sa pagkabihag, nagtago ang Dios, ug nagtago pa gihapon Siya; bisan karon sa panahon sa iglesia, gitago sa Dios ang Iyang Kaugalingon—Isa. 45:15.

**III. Lalom ang kahulogan sa samingay sa Lucas 18:1-8, ug kinahanglan makaila ta sa Dios ingon sa pagpadayag Kaniya, isip Dios nga nagtago:**

- A. Nagtimaan sa mga magtutuo ang babayeng balo sa versiculo 3; sa usa ka bahin, mga babayeng balo karong panahona ang mga magtutuo ni Cristo kay ang ilang Bana, nga si Cristo, wala man nila—2 Cor. 11:2.

Mensahe 12 (sumpay)

- B. Sama sa babayeng balo sa sambingay (Luc. 18:3), kitang mga magtutuo ni Cristo dunay kabatok, nga si Satanas nga yawa, nga kalabot niya ipanimalos gyod ta sa Dios:
1. Nagpakita kining sambingaya sa pag-antos nato tungod sa atong kabatok sa panahon nga morag wala ang Ginoo.
  2. Ning panahon nga morag wala Siya, babayeng balo ta nga sigeng gisamoksamok sa iyang kabatok.
- C. Samtang gilutos ta sa atong kabatok, morag dili matarong ang atong Dios, kay gitugotan man Niya nga dili matarong nga lutoson ang Iyang mga anak—1 Ped. 2:20; 3:14, 17; 4:13-16, 19:
1. Sa tanang siglo, linibolibo ka matinud-anon ug matinumanong magsusunod ni Ginoong Jesus ang nag-antos sa dili matarong nga paglutos; bisan karon daghan ang dili matarong nga gitagad—Bug. 2:8-10.
  2. Morag dili maangayon ang atong Dios, kay wala man Siya mohukom ug molaban; tungod ning sitwasyona, gigamit ni Ginoong Jesus ang dili matarong nga maghuhukom sa pagtimaan sa Dios, nga morag walay gibuhat alang sa Iyang katawhan nga gilutos—Luc. 18:2-6:
- D. Sigeng nagbalikbalik sa dili matarong nga maghuhukom ang babayeng balo ning sambingaya ug nihangyo niya nga ipanimalos siya sa iyang kabatok; magmalahutayon gyod ta sa pag-ampo alang ning pagpanimalos ug dili magkaluya—vv. 1, 3:
1. Sa dihang morag wala ang atong Bana ug gibiyaan ta dinhi sa yuta ingog babayeng balo, temporaryo nga morag dili matarong nga maghuhukom ang atong Dios—v. 6.
  2. Bisin morag dili Siya matarong, mangamuyo gyod gihapon ta Niya, malahutayong moampo, ug kanunay Siyang samokon, kay ipanimalos Niya sa madali ang Iyang mga pinili, nga “nagtuaw Kaniya adlaw ug gabii”—vv. 7-8a.
- E. Gipasabot sa Bugna 8:5 ang tubag sa 6:9-11 ug sa Lucas 18:7-8:
1. Ang pag-ampo sa mga balaan sa Bugna 8:3-4 alang gyod tingali sa paghukom sa yuta, nga nisupak sa pamatigayon sa Dios.
  2. Ang paghukom sa Dios sa yuta—ang paglabay og kalayo sa yuta—tubag man sa mga pag-ampo sa mga balaan nga naay Cristo nga incienso—vv. 3-5.
- F. “Inig-abot sa Anak sa Tawo, makakita ba kaha Siyag pagtuo sa yuta?”—Luc. 18:8b:
1. Sa linetra, ang Griyegong pulong nga gihubad og “pagtuo” nagpasabot og “ang pagtuo”; nagpasabot kini sa malahutayong pagtuo aron magmalahutayon ang atong pag-ampo, sama sa pagtuo sa babayeng balo.
  2. Ang pagtuo nga pinaagi niini naluwas ta mao ang unang angang sa pagtuo; ang pagtuong nagpausa nato ni Cristo sa kinabuhi

## Mensahe 12 (sumpay)

mao ang nagdugtong nga pagtuo—ang pagtuong nisulod nato sa makanunayong pagkontak nato sa Tulo-usang Dios aron magkinabuhi ta pinaagi sa Anak sa Dios—Rom. 1:17; Gal. 2:20; Juan 14:19.

3. Ang nagdugtong nga pagtuo maoy diosnong gipangayo aron motagbo ni Cristo ang mga mananaog sa madaogong pagbalik Niya—Luc. 18:8:
  - a. Ang nagdugtong nga pagtuo mao ang Tulo-usang Dios nga naglihok sa sulod nato aron madugtong ta sa dili matugkad nga kadata Niya—Efe. 3:8.
  - b. Ang nagdugtong nga pagtuo mao ang pagtuo sa mga magtutuo nga wala mosalig sa ilang kaugalingon; nisalig hinuon sila sa Dios—2 Cor. 1:9.
  - c. Inigbalik ni Ginoong Jesus, makakaplag Siyag pipila ka mananaog nga nagkinabuhi sa nagdugtong nga pagtuo ug isipon sila nga mga bahandi alang sa Iyang gingharian sa usa ka libo ka tuig nga paghari Niya—Luc. 18:8; Bug. 20:4, 6.